

本草單方

五

本草單方卷十四

幼科

延陵莊繼光歛之甫

海虞繆希雍仲淳甫選

雲間康 汶文初甫全彙

延陵于舜玉執侯甫

初生

初生解毒小兒初生未可便與硃砂蜜只以甘草壹指節
長炙碎以水貳合煮取壹合以綿漆點兒口中約壹蜺
殼當吐出胸中惡汁此後待兒飢渴更與之令兒智慧
無病出痘稀少

王璆選方

又小兒初生嚙生芝蔴綿包與兒啞之其毒自下

又用橄欖壹個燒研硃砂五分和勻嚼生芝蔴壹口吐唾
和藥絹包如棗核大安兒口中待啞壹個時頃方可與
乳此藥取下腸胃穢毒令兒少疾及出痘稀少也

集效方

又小兒初生未出聲時以黃連煎汁灌壹匙令終身不出
斑已出聲者灌之斑雖發亦輕此祖方也更用黃連煎
湯浴兒使不生瘡及丹毒

王海藏

又初生小兒十三日以本身剪下臍帶燒灰用乳汁調服
可免痘患或入硃砂少許

保初大全

兔血丸初生兒服之終身不出痘瘡或出亦稀少 臘月
八日取生兔壹隻刺血和蕎麥麪少加雄黃四五分候

乾丸如菰豆大以乳汁送下貳叁丸遍身發出紅點是

其徵驗也但兒長成常以兔肉啖之尤妙

保壽堂方

小兒初生浴湯中入鹽少許拭乾以膩粉少許摩其身

既不畏風又散諸氣

全幼心鑑

又益母草五兩煎水浴之不生瘡疥

簡要方

又猪膽入湯浴之不生瘡疥

姚和衆方

又七月八月或三伏日或中秋日剪壺蘆鬚如環子脚者

陰乾於除夜煎湯浴小兒則可免出痘

經驗方

小兒初生無膚色赤因受胎未得土氣也取車輦土碾

傳之三日後生膚

時珍方

初生無皮色赤但有紅筋乃受胎未足也 用早白米粉

撲之肌膚自生

聖濟方

國受胎未足胎未成也

乳母缺乳或無乳者用早白米粉出乳

又少兒人乳不足者用早白米粉

又益母草生兩煎水服之不主養

又神不覺風火端端服

小兒胎生時各異中火盛少指跡

見其類也

彈其噴氣豆大以異其

彈其噴氣豆大以異其



生下胎疾

小兒胎熱 黑豆貳錢甘草壹錢入燈心七寸淡竹葉壹

片水煎

全幼心鑑

嬰兒胎熱火瘡 用雞子五枚煮熟去白取黃亂髮如雞
子大相和於鐵銚中炭火熬之初甚乾少頃卽髮焦乃
有液出旋取置碗中以液盡爲度取塗瘡上卽以苦參
末粉之頃在武陵生子蓐內便有熱瘡塗諸藥無益而
日益劇蔓延半身晝夜號啼不乳不睡因閱本草得此
方用之果神效也

劉禹錫傳信方

初生胎熱或身體黃者 以真牛黃壹豆大入蜜調膏乳



汁化開時時滴兒口中形色不實者勿多服 錢氏方

又初生先以猪乳乳之出月可免驚癇痘疹之患 張煥

小兒血眼自初生艱難血瘀眦眶遂濺滲其睛不見童人

輕則上胞赤腫重則弦爛 用杏仁貳枚去皮尖嚼乳

汁參五匙入臙粉少許蒸熟絹包頻點重者加黃連朴

硝最良 全幼心鑑

小兒胎赤眼 用小兒吐出虻蟲貳條磁盒盛之紙封埋

濕地五日取出化爲水磁瓶收每日以銅筋點之 普濟方

又燈心蘸雞膽點甚良 時珍

又初生時以韭汁少許灌之卽吐出惡水惡血永無諸疾



四聲

本草

初生目閉由胎中受熱也 以熊膽少許蒸水洗之一日

七八次如三日不開服四物加甘草天花粉 全幼心鑑

嬰兒目澀月內目閉不開或腫澀羞明或出血者名慢肝

風 用甘草壹截以猪膽汁炙爲末每用米泔調少許

灌之 幼幼新書

小兒胎驚 琥珀防風各壹錢朱砂半錢爲末猪乳調壹

字入口中最妙 直指方

又蠟壹枚薄荷葉包炙爲末入朱砂麝香少許麥門冬煎

湯調壹字效 湯氏寶書

小兒驚啼

黃芩人參等分爲末每服壹字水飲下

普濟方

小兒驚熱夜臥多啼

朱砂半兩牛黃壹分爲末每用壹

字犀角磨水調下

普濟方

○又初生小兒驚風欲死朱砂

磨新汲水塗五心最驗

斗門方

小兒驚啼發歇不定

用臘月縛猪繩燒灰水服少許

藏器

百日發驚

蚱蟬去翅足炙參分赤芍藥參分黃芩貳分

水貳盞煎壹盞溫服

聖惠方

小兒胎癇

琥珀朱砂各少許全蝎壹枚爲末麥門冬湯

調服壹字

直指方

小兒胎寒腹痛汗出

用衣中白魚貳七枚絹包於兒腹

上回轉摩之以愈爲度

聖惠方

小兒胎寒好啼晝夜不止因此成癰當歸末壹小豆大

以乳汁灌之日夜三四度

肘後方

小兒軀啼面青腹強是忤客氣新馬糞壹團絞汁灌之

聖濟
總錄

大頭風小兒驚風並用大蒜七個先燒紅地以蒜逐個

於地上磨成膏却以蠟蠟壹兩去頭足安蒜上椀覆一

夜勿令洩氣只取蠟研末每用啗鼻口內含水有效

普濟

小兒舌膜初生兒有白皮裹舌根可以指甲刮破令血出

用燒礬末半棗荳許敷之若不摘去其兒必啞

至寶方

初生不啼

取冷水灌之外以葱白莖細鞭之即啼

全幼心鑑

小兒口噤

三聖散用乾蜘蛛壹枚去足竹瀝浸一宿炙

焦蠟稍七箇臙粉少許爲末每用壹字乳汁調時時灌

入口中

直括

○治小兒十日內口噤不能吮乳蜘蛛壹枚

去足炙焦研末入猪乳壹合和勻分作三服徐徐灌之

神效無比

聖惠方

又猪乳灌之甚良

楊士瀛

又牛黃爲末以淡竹瀝化壹字灌之更以猪乳滴之

外臺方

小兒口噤面赤者屬心白者屬肺用雞矢白如棗大綿

裹以水壹合煮分貳服○一方酒研服之

千金方



小兒口噤 用雀屎水丸麻子大飲下貳丸卽愈 千金方

小兒百日内噤風口中有物如蝸牛或如黃頭白蟲者

薄猪肪擦之卽消

聖惠方

小兒口緊不能開合飲食不治卽死 蛇蛻燒灰拭淨傳

之 千金方

初生吐乳不止 人乳貳合蘧蔕莢少許鹽貳粟大同煎

沸入牛黃米許與服

鬼遺方

撮口臍風乃胎熱也 用蝸牛五枚去殼研汁塗口取效

乃止

又方用蝸牛拾枚去殼研爛入蔣蘿末半分研勻塗之取

效甚良

又用天漿子有蟲者壹枚直殭蠶炒壹枚膩粉少許研勻

以薄荷自然汁調灌之名白龍膏取下毒物神效

聖惠方

又壁魚兒研末每以少許塗乳令兒吮之

聖惠方

初生斷臍後傷風濕唇青口撮出白沫不乳 用全蝎念

壹個無灰酒塗炙爲末入麝香少許每用金銀煎湯調

半字服之

全幼心鑑

又用壁虎後半截焙爲末男用女乳女用男乳調勻入稀

雞矢少許搽舌根及牙關仍以手蘸摩兒取汗出甚效

筆峯
雜興

小兒初生以綿裹臍帶離臍五六寸扎定咬斷以鷺翎筒
送藥壹貳分入臍大孔輕輕揉散以艾炷灸臍頭叁壯
結住勿打動候其自落永無臍風之患萬不失一臍硬
者用之軟者無病不必用也其法用陰乾棗猫兒研末
三個珍珠四拾九粒搥碎炒黃丹五分白枯礬蛤粉血
竭各五錢研勻如上法用臍有叁孔壹大貳小也
時珍方
臍風出汁 螻蛄甘草等分並炙爲末敷之
總錄
又小兒斷臍卽用清油調髮灰傅之不可傷水臍濕不乾
亦敷之

小兒臍腫

荊芥煎湯洗淨以煨葱刮薄出火毒貼之卽

消 海上方

兒臍腫出汁 白石脂末熬溫撲之日三度勿揭動

獨行方

臍風濕腫久不瘥者 蜂房燒末敷之效

子母秘錄

小兒臍腫出汗不止 白礬燒灰傅之

聖惠方

小兒臍濕不早治成臍風或腫赤或出水 用當歸胡粉

等分爲末試之最驗或加麝少許若愈後因尿入復作

再傅卽愈

聖惠方

○全幼心鑑同但加落下臍帶燒研壹

錢無胡粉

小兒臍瘡 蟾蜍研末傅之不過數次效

千金方

小兒初生大小便不通 用真香油壹兩皮硝少許同煎



滾冷定徐徐灌入口中嚥下卽通

經驗方

襁褓小兒大小便不通并驚熱痰實欲得溏動者 大黃

酒浸炒郁李仁去皮研各壹錢滑石末壹兩搗和丸黍

米大貳歲小兒參九量人加減

錢一方

初生便閉 甘草枳殼煨各壹錢水半盞煎服

全幼心鑑

初生不尿 人乳四合葱白壹寸煎滾分作四服卽利

劉涓子

子鬼遺方

初生尿澀不通 車前搗汁入蜜少許灌之

全幼心鑑

小兒初生七八日大小便血出乃熱傳心肺不可服涼藥

只以生地黃汁五七匙酒半匙蜜半匙和服之

全幼心鑑

